



Langrennskomiteen@

Sakshand.: TAH/ IN

Dato: 22.09.2020

Arkivk.: lk/møter/protokoll/19-21

## PROTOKOLL TIL MØTE NR. 05 I LANGRENNSKOMITEEN, 2019-2021

**Stad:** Digitalt møte (Microsoft Teams)  
**Tidspunkt:** Måndag 21. september 2020, kl. 17.30-20.00

### Sakliste

#### REFERATSAKER

**SAK 34 19-21** Godkjenning av innkalling og sakliste

#### DISKUSJON- OG VEDTAKSSAKER

**SAK 35 19-21** Terminliste 2020-2021  
**SAK 36 19-21** Breiddesamlingar 12-16 år  
**SAK 37 19-21** Krinslaga i langrenn 2020-2021  
**SAK 38 19-21** Nasjonale renn og meisterskap 2020-2021  
**SAK 39 19-21** Rekrutteringsarbeid  
**SAK 40 19-21** Handlingsplan 2019-2021  
**SAK 41 19-21** Sakliste Haustmøtet, 24. oktober 2020

#### RAPPORTERING

**SAK 42 19-21** Rekneskapsrapport pr. 26.08.2020

#### ORIENTERINGSSAKER

**SAK 43 19-21** Orientering om markedsarbeid i langrennskomiteen  
**SAK 44 19-21** Regionlag Vest

#### EVENTUELT

---

**TIL STADES:** Tor Arne Hov, Laila Bosdal-Thorsen, Adrian Helgheim, Roger Aa Djupvik og Ingrid Narum (adm.)

**FORFALL:** Anne Lilleaasen

**MERKNADER:**

**REFERENT:** Ingrid Narum

---

## REFERATSAKER

### SAK 34 19-21

#### Godkjenning av innkalling og sakliste

##### Bakgrunn

Innkalling og sakliste med vedlegg er utsendt på førehand.

##### VEDTAK

Langrennskomiteen godkjenner innkalling og sakliste.

## DISKUSJON- OG VEDTAKSSAKER

### SAK 35 19-21

#### Terminliste 2020-2021

##### Bakgrunn

Rammene for terminlista 2020-2021 vart lagt fram og diskutert i samband med skikrinsen sitt digitale Vårmøte.

Deretter vart terminlista sendt til høyring i laga, med svarfrist 15. september 2020.

Høyringsframlegg til Terminliste Langrenn 2020-2021 finn ein vedlagt.

Pr. 15. september er det komme følgjande innspel til terminlista:

#### 1) **Førde IL:**

*SSF Cup Hodlekverrennet som er terminfesta 14. mars 2020 bør flyttast til ei anna helg.*

*Bakgrunnen er at ein ser det som uheldig at nemnde arrangement skal avviklast dagen etter Kalsetrennet/ KM lang (terminfesta 13. mars 2020), ettersom dette truleg vil påverke deltakartalet på Kalsetrennet negativt.*

*Det kan vere eit alternativ å flytte SSF Cup Hodlekverrennet til 09. el. 10. januar, og vidare fordele SSFkarusell på Hafslø og Jølster til andre ledige tidspunkt.*

#### 2) **IL Bjørn v/ Knut Kjærvik:**

*Bjønnastarten 6. desember er som planlagt dato hos oss, i tilfelle dårlege snøforhold/lite snø vil det vere aktuelt å utsetje 1 veke. Me får håpe vinteren kjem tidlegare enn i fjor....*

*Forstår det slik at rennet er sett opp i klassisk stil? I våre treningsgrupper er det fokus på leik/basistrening frå 7-10 år. Denne gruppa har ofte ikkje anna enn skøyteski og eg vil tru at om rennet hadde vore sett opp som friteknikk hadde det potensielt vore langt fleire deltakarar. Er dette ein moglegheit? Kva er retningslinjene frå krinsen her?*

#### 3) **Fjellhug/Vereide IL v/ Astrid F. Hauge:**

*Fj/V ynskjer at vi kan få arrangere på søndagen i staden for laurdag, då det er lettare å få med folk.*

*Siste åra har Kleivanerennet gått same helga som KM i fotball på Sandane, dette gjer det vanskeleg å få med folk, då mange er foreldre til fotballspelarar, og må vere med i hallen. Håpar de kan sjekke det med fotballen, og at det ikkje er same helga i 2021 og.*

#### **VEDTAK**

Langrennskomiteen gjer følgjande vedtak i saka:

##### Vedtak 1)

SSF Cup Hodlekverrennet vert flytta frå 14. mars 2021 til 10. januar 2021 og endra frå friteknikk til klassisk teknikk. SSF Cup Klepparennet 16. januar vert endra frå klassisk teknikk til friteknikk.

Vidare vert SSFkarusell Hafslo IL og SSFkarusell Jølster IL flytta frå 10. januar 2021 til 7. februar 2021.

##### Vedtak 2)

Bjønnastarten 6. desember 2020 vert endra frå klassisk teknikk til friteknikk, og krinsrennet i Sogndal 20. desember 2020 vert endra frå friteknikk til klassisk teknikk.

##### Vedtak 3)

SSF Cup Kleivanerrennet vert flytta frå laurdag 23. januar 2021 til søndag 24. januar 2021.

#### **SAK 36 19-21**

#### **Breiddesamlingar 12-16 år**

##### **Bakgrunn**

Av breiddesamlingar i 2020 er desse gjennomført;

- Miljøsamling Ullsheim 29. august, ca. 40 deltakarar f. 2005-2009. I samarbeid med Markane IL og med Sjur Ole Svarstad som hovudtrenar. Skikrinsen stilte med trenarar.

Sognefjellet Sommarskiskule, som var planlagt 22.-26. juni 2020, vart avlyst grunna smittesituasjonen med covid-19.

Vidare er desse «faste» breiddesamlingar (der Sogn og Fjordane Skikrins er samarbeidspart);

- Miljøsamling på Langeland 27. september 2020 v/ Førde IL og Gaular IL (aldersgruppe 2005-2009);  
<https://www.skiforbundet.no/sogn-og-fjordane/nyhetsarkiv/2020/9/miljosamling-langeland/>
- Enivest Skiskule i Førde v/ Førde IL og Gjøran Tefre i perioden 8.-11. oktober 2020 (aldersgruppe 2005-2009);  
<https://www.skiforbundet.no/sogn-og-fjordane/nyhetsarkiv/2020/9/enivest-skiskule-2020/>
- «Treningssamling på tvers» (12-19 år) på Idrettens Møteplass, Førde 24. oktober 2020;  
<https://www.idrettsforbundet.no/idrettskrets/vestland/kurs/idrettens-moteplass-treningssamling-for-ungdom/>
- Jentesamling Ullsheim januar

Breiddesamlingane vert gjennomførast i tråd med gjeldande retningslinjer for smittevern og [koronarettleiar frå Norges Skiforbund](#).

### **VEDTAK**

Langrennskomiteen tek saka til orientering, og gjer vidare vedtak om gjennomføring av breiddesamlingar;

- Miljøsamling i Sogn haust/vinter 2020-2021.  
Komiteen undersøker med klubbmiljøa i Sogn om det er interesse for å legge til rette for ei miljøsamling (dagssamling) i vinter, alt. i haust (november).  
Tor Arne følgjer opp.
- Jentesamling på Ullsheim i samband med Ullsrenna i januar.  
Adm. følgjer opp.

### **SAK 37 19-21**

#### **Krinslaga i langrenn 2020-2021**

##### **Bakgrunn**

Krinslaget i langrenn 2020-2021 består av til saman 44 utøvarar.

30 utøvarar er knytt til det ordinære krinslaget, der 2 løparar har «vinterpakke». Nokre av desse deltek på enkeltsamlingar etter avtale.

Impulslaget (f. 2005) består av 11 utøvarar.

##### **Trenarar 2020-2021**

Hovudtrenar: Simen Bækken og Roger Øye Pollen

Andre trenarar som vert nytta på samlingar:

- Elise Skeide Bakke
- Eivind Øygard

##### **Krinslagskontingent 2020-2021** (justert for færre samlingar pga. covid-19)

- Impulslag (2005): Kr. 4 000,-
- Junior (2003-2004): Kr. 9 000,-
- Eldre Junior (2001-2002): Kr. 10 000,-
- Senior (2000-): Kr. 11 000,-  
(inkl. opne samlingar med regionlag)

For utøvarar som ikkje ynskjer å delta på samlingsopplegget, men som har planar om å delta på nasjonale arrangement kommande vinter kan ein ta del i skikrinsen sitt fellesopplegg vinterstid ved å «kjøpe» ein «vinterpakke»:

- «vinterpakke» junior/senior, kr. 6 500,- (inkl. krinslagsklede)

Ved å gjere seg nytte av denne «pakken» vil ein få eit tilrettelagt opplegg ifbm. nasjonale renn og meisterskap knytt til smøring av ski og logistikk.

Ver merksam på at krinslagsbekledninga er inkludert i kontingenten for «vinterpakkane».

For utøvarar med «vinterpakke» og som ynskjer å delta på nokre avtalte samlingar betalar ein kr. 200,- pr. samlingsdag i tillegg til kostnad med overnatting (jf. vedtak i Sak 32 17-19).

### Samlingsplan 2020-2021

Fokus	Stad	Dato	Senior/ Eldre Jr.	Junior	Impuls
Barmark	Førde	1.-5. juli	X	X	X
Barmark	Markane	13.-16. august	X	X	
Barmark	Sogndal	10.-13. september	X	X	X
Barmark	Hemsedal	23.-27. september	X	X	
Barmark	Førde	7.-11. oktober	X	X	
Ski	Beitostølen	11.-15. november	X	X	X
Ski	Gållå	25.-29. november	X		

For seniorutøvarane vert det også lagt til rette for samlingar saman med Regionlag Vest.

Vidare er samlinga i Markane gjennomført saman med Møre og Romsdal Skikrets og Landslinja i skiskyting ved Stryn vgs.

#### Smittevern

Krinssamlingane vert gjennomførast i tråd med gjeldande retningslinjer for smittevern og [koronarettleiar frå Norges Skiforbund](#).

LK v/ leiar og sportsleg ansvarleg har, i samråd med adm., følgt opp retningslinjene tett med utøvarane og trenarane. I tillegg vert det gjort kontinuerleg vurdering for gjennomføring av samlingane.

Leiar og sportsleg ansvarleg orienterte i møtet om gjennomførte samlingar og status for krinslaget.

#### VEDTAK

Langrennskomiteen tek saka til orientering, og gjer vidare vedtak om å følgje opp diskusjonar i møtet knytt til reglar og retningslinjer for krinslaget.

- Leiar sender ut informasjon til løparar og føresette på krinslaget med presisering av reglar og retningslinjer på krinssamlingar, og konsekvensar ved brot av desse.
- Leiar og sportsleg ansvarleg tek eit felles møte med trenarane før neste samling for å diskutere oppfølging av denne informasjonen.

### SAK 38 19-21

#### Nasjonale renn og meisterskap 2020-2021

##### Bakgrunn

Terminlista for nasjonale renn og meisterskap 2020-2021 er p.t. ikkje klar grunna usikkerheit rundt avvikling av større arrangement med smittevern og covid-19.

Norges Skiforbund Langrenn gjennomførte 31.08.2020 møte med LK-leiarar og adm. i krets for å drøfte ulike senario for gjennomføring av nasjonale renn og meisterskap kommande sesong. Presentasjon og referat frå møtet er lagt ved som eigne vedlegg.

Terminlista vert også drøfta på NSF Langrenn sitt digitale haustmøte 13. oktober 2020.

I det vidare arbeidet med nasjonale renn og meisterskap (når terminliste er klar) skal komiteen avklare kven som skal vere hovudleiar og støtteapparat på dei ulike arrangementa.

I tillegg følgjer adm. opp logistikk med overnatting til dei ulike arrangementa når informasjon ligg føre.

#### **VEDTAK**

Langrennskomiteen utset saka til neste møte i komiteen.

#### **SAK 39 19-21**

##### **Rekrutteringsarbeid**

Etter omorganisering av fellesadministrasjonen i Norges Skiforbund i 2019, der Utviklingsavdelinga vart lagt ned, er all ansvar for breidde- og rekrutteringsarbeid frå sentralt i NSF lagt til grein f.o.m. 01.01.2020.

Skistyret vedtok i februar 2020 at fordeling av post 3 midlar (frigjort etter nedlegging av Utviklingsavdelinga) skulle fordelast med kr. 1,2 mill. til grein og kr. 800 000 til tiltak i krets fordelt gjennom grein.

Post 3 midlar skal nyttast til aktivitetstiltak for barn, ungdom og breiddeidrett.

Norges Skiforbund Langrenn har lyst ut aktivitetsmidlar (post 3-midlar) til gode lokale tiltak/ aktivitetar i klubbar og nærmiljø;  
<https://www.skiforbundet.no/sogn-og-fjordane/nyhetsarkiv/?npid=105437&page=S%C3%B8k+om+lokale+midler+i+langrenn>

Søknadsfrist var 15. september 2020 med rapportering 15. november 2020.

I møte i Skikrinsstyret 7. september 2020 drøfta styret tema rekrutteringsarbeid, og gjorde følgjande vedtak i sak 82 19-21:

*Skikrinsstyret gjer vedtak om at greinkomiteane diskutere rekrutteringsarbeid i sitt neste komitémøte, tek opp tema (evt. spelar det inn som sak) på NSF sine greinwise haustmøte/fagmøte, og set det opp som eiga sak på skikrinsen sitt haustmøte 24. oktober.*

*I tillegg har AU og greinkomiteane rekrutteringstiltak i handlingsplanen som også vert følgt opp.*

Komiteen drøfta saka i møtet.

### **VEDTAK**

Langrennskomiteen utset saka til neste møte i komiteen.

### **SAK 40 19-21**

#### **Handlingsplan 2019-2021**

##### **Bakgrunn**

Sogn og Fjordane Skikrins sin handlingsplan 2019-2021 vart vedteken i samband med Skikrinstinget 2019.

I møtet handsama komiteen handlingsplanen, drøfta langrennskomiteen sine tiltak, samt avklara vidare ansvarsfordeling.

Planen finn ein vedlagt.

### **VEDTAK**

Langrennskomiteen utsett saka til neste møte i komiteen.

### **SAK 41 19-21**

#### **Sakliste Haustmøtet, 24. oktober 2020**

##### **Bakgrunn**

Skikrinsstyret har gjort vedtak om at Haustmøtet 2020 skal avviklast 24. oktober i Førde på Idrettens Møteplass;

<https://www.skiforbundet.no/sogn-og-fjordane/nyhetsarkiv/2020/9/haustmotet-2020/>

##### Rammeprogram:

Kl. 10.00	Fellesforedrag
Kl. 12.00	Lunsj
Kl. 13.00-16.00	Haustmøtet Sogn og Fjordane Skikrins; - fellesdel - greinvisе møte - alpint - hopp og kombinert - langrenn

### **VEDTAK**

Langrennskomiteen utset saka til neste møte i komiteen.

### **RAPPORTERING**

### **SAK 42 19-21**

#### **Rekneskapsrapport pr. 26.08.2020**

##### **Bakgrunn**

Rekneskapsrapport pr. 26.08.2020 er lagt ved som eige vedlegg. Rapporten vart presentert i møtet.

### **VEDTAK**

Langrennskomiteen utset saka til neste møte i komiteen.

### **ORIENTERINGSSAKER**

### **SAK 43 19-21**

#### **Orientering om markedsarbeid i langrennskomiteen**

##### **Bakgrunn**

Status i Sogn og Fjordane Skikrins - langrenn sitt markedsarbeid.

<b>Verksemd</b>	<b>Grein</b>	<b>Går ut</b>	<b>Status</b>
Sparebanken Sogn og Fjordane	Langrenn	2020	Avtale går til t.o.m. 2020. Reforhandling er sett i gong.
Intersport Førde/ Erdal Sport AS	Langrenn	2021	Avtale går til t.o.m. 31.05.2021.
SFE	Hopp/ langrenn	2022	Avtale går til 30.04.2022.
COOP Nordvest SA	Alpint/ langrenn	2020	Avtale går til t.o.m. 2020. Reforhandling skal setjast i gong.

Skikrinsstyret gjorde følgjande vedtak om ansvarsdeling i Sak 12 19-21:  
- Sparebanken Sogn og Fjordane, ansv.: Adm. + LK

Skikrinsstyret gjorde følgjande vedtak om ansvarsdeling i Sak 87 19-21:  
- Coop Nordvest SA, ansv.: Adm. + styreleiar

#### **VEDTAK**

Langrennskomiteen utset saka til neste møte i komiteen.

#### **SAK 44 19-21**

#### **Regionlag Vest**

#### **Bakgrunn**

LK-leiar informerer m.a. om:

- sportsleg status
- økonomisk status

#### **VEDTAK**

Langrennskomiteen utset saka til neste møte i komiteen.

#### **EVENTUELT**

#### **Neste møte i komiteen;**

**Tysdag 29. september 2020, kl. 20.00 (Teams-møte)**

Med venleg helsing  
Sogn og Fjordane Skikrins

Tor Arne Hov (s)  
Leiar LK

Ingrid Narum (s)  
Adm. sjef